

摘藻堂四庫全書薈要

集部

欽定四庫全書薈要

集部

御選明詩卷五十

詳校官原任主事_臣李斯咏

欽定四庫全書薈要卷一萬八千五百五十

集部

御選明詩卷五十

五言律詩一

劉基

丙戌歲將赴京師途中送徐明德歸鎮江

疲馬懷空檻征衣怯路塵
那堪遠遊子復送欲歸人
月滿西津夜花明北固春
論文應有日話別莫悲辛

過南望時守閘不得行

客路三千里舟行二月餘壯顏隨日減衰鬢受風疎蔓
草須句國浮雲少吳墟愁心如汶水蕩漾遶青徐

發景州

澹澹夕風作蕭蕭蘆葉鳴林間衆鳥息河上一舟行海
近雲常濕天虛月更清神京看漸近且緩望鄉情

將曉

愁夢不更續寒天將欲明雪風吹海樹霜月凜江城哀
病丹心在艱虞素髮盈殷勤東注水渺渺若為情

不寐

不寐月當戶起行風滿天山河青靄裏刁斗白雲邊避
世慙商綺匡時媿魯連徘徊懷往事惻愴感衰年

古戍

古戍連山火新城殷地笳九州猶虎豹四海未桑麻天
迴雲垂草江空雪覆沙野梅燒不盡時見兩三花

客路

客路秋風裏扁舟夕照時渚鴻魚復陳江樹井陘旗衰

朽嗟誰與愚蒙荷帝慈山中牧羊子歲暮爾相期

秋感

老病偏多感宵長晝亦長衣冠方謝暑枕席已驚涼往
事鑄心在新知過眼忘離邊舊栽菊歲晚為誰黃

宋濂

送許時用還剡

尊酒都門外孤帆水驛飛青雲諸老盡白髮幾人歸風
雨魚羹飯煙霞鶴氅衣因君動高興予亦夢柴扉

陶安

秦淮寓舍

官久忘羈思門幽類隱居
犧圖天地象鮒壁帝王書
秋徑霜前菊朝盤雨後蔬
西風吹短鬢歸夢雁來初

晚晴

江上秋陰薄晚風生樹顛
高塵捲蒼靄歸鳥度青天
牧馬平蕪野捕魚斜日船
千村新稻熟茅屋起炊煙

寄豐叔良二首

見說郊居好行吟野趣多溪魚罾上活山鳥酒邊歌雪
屋炊紅米秋江老翠蛾幾回時序換奈此別離何

阿咸九月到寄我尺書看盡日不釋手空江頻倚欄鄉
山微雨外客夢一窗寒遙想林泉勝無憂寢食安

寄錢彥良

離羣憶鄉里知子歷艱難博士官三考空齋食一簞江
風吹鬢濕竹雪照衣寒清氣相酬酢新詩正耐看

寄潘章甫

每懷文學掾絕類玉堂仙家有雙峯記書經五世傳風
搖秋案燭露洗曉池蓮古巷存廬舍無時不誦絃

題池口驛

孤帆向江漢四野息風塵忽見滿山雪因之懷故人滄
波遙注海凍樹暗藏春他日重來處柴桑雨露新

泊巴河

蘭溪行過後迤邐到巴河江狹無磯險沙平有港多鄰
舟同永夜漁火照寒波獨惜年華晏其如道遠何

黃岡寓所

霧雨一城暗梨花三月天空梁春蟻隔疎壁暮蚊穿草
密藏枯井苔荒蝕斷磚開門山色好飛翠落吟箋

郡寓偶成

江月蕭聲遠城春竹色斑天文鶉尾次地險虎頭關綰
綬此為郡結茅先對山雨晴間布穀闢草未能閒

雨過

雨過山添色推窗翠撲衣秧隨新水長蝶趁落花飛江

近簷頭掛春從客裡歸沙乾聊可步倚杖綠陰肥

追悶

數日情懷惡連宵風雨多憂來成展轉事至罷吟哦
樹肥椒子煙叢長薜蘿一春不對鏡正恐鬢絲皤

縱步

傍市人家聚瀕江草徑遙燕尋曾到屋魚候未來潮
訪友聊乘興扶筇直過橋晚峯煙外見重疊翠如澆

遣興

鵲立疎晨伏蜂喧聚晚衙寓居多澤水吾分合漁槎未
病常儲藥無眠減啜茶從人咲潘岳垂老更栽花

湖鄉

淝水新無警湖鄉頗有年稻田驅夜水蓮蕩捕秋鱖
邏卒黃茅戍歸人白板船數家依綠樹斜日照炊煙

九月朔得阿晟所寄藥物

人自金陵至兒封藥物來家書千里達旅況一時開病
想丹砂鼎緣慳玉露杯喜看菹醢列鄉味出瓶罍

九月七日雨

兩月清明久昨宵風雨聲寒催秋色老病怯衾衣輕故
壘低雲黑荒衢濕蔓紫重陽時節近客裏助淒清

秋夜

青燈對無語白日透虛櫺乍冷蟬蟲響向風山葉零更
長無久睡意到索遺經心境有餘寂秋聲自厭聽

夜永

山深無刻漏夜永不知更窗白只疑旦月斜猶未明離

人江北住華髮枕間生孤館此懷寂斷鴻何處聲

雨館偶成

山中三日雨榻上一羶寒野暝雲吞樹溪回雪舞湍孤
飛迷白鳥數點淡蒼巒閉戶空林下蕭條意強寬

晚宿官段

村墅人新聚經營晚未閒魚梁箔如柵網戶屋依山鷺
鳴喧籬落蒹葭蔽水灣舟中不堪卧借榻叩林關

泊松山湖

風逆湖波涌維舟傍淺沙松山雙石巘茅舍幾人家霜
樹明丹葉寒蔬長綠芽客鄉今夜月伴我宿蘆花

王禕

送許時用歸越

舊擢庚寅第新題甲子篇老來諸事廢歸去此身全煙
樹藏溪館霜禾被石田鑑湖求一曲吾計尚茫然

秦州

水積從天降山連與蜀通遺碑李廣宅廢寺隗囂宮度

隴遲迴際游秦感慨中長憐少陵老曾此歎塗窮

澠池道中

九月忽又暮吾行祇自傷秋兼人共老愁與路俱長野
果迎霜赤園花帶雪黃故人相慰藉日晚引壺觴

春日繡湖與德元同行

十里華川上年來足勝遊雨花林下寺風柳驛邊樓漠
漠芙蓉浦依依杜若洲平生身外事未許付浮鷗

丁酉五月六日吳善卿宴諸公越城外唐氏別

墅分得輕字

亭館鑑湖曲開軒水氣清
戰袍當暑換舞袖傍筵迎
受雨枇杷熟欺風翡翠輕
五行敢辭醉不負主人情

吳江別蓮上人

飄零有若此離別復如何
情劇酒杯少愁添詩句多
荒村黃葉樹極目白鷗波
回首相攜處秋風瑪瑙坡

吳門懷友人

三月長洲苑重來意惘然
江南春似海客邸日如年
舊

約今何處新題定幾篇相望不得見獨立最堪憐

汪廣洋

寄西掖諸友

玉簫吹鳳凰關月寫滄浪故國幾時到高樓今夜長候
蟲啼露晝涼葉下銀牀無限懷人意裁詩遠寄將

登蔣山望江亭次韻

絕頂出華構有時來一登曾將六朝事閒問百年僧寓
目誠多感投身媿未能暫留林下夕江浦散漁燈

送院判俞子茂進兵番陽

江東風日晴把酒送君行
好慰三千士將收七十城
煙花催疊鼓雲騎擁連營
山國人爭喜殊方自此清

寄崔元初

晴軒種竹罷好月到窗時
坐我長松下歌君流水詩
墓田歸野雀疎雨落山葵
偶值南來使殷勤寄所思

嶺南道中

過盡梅關路灘行喜順流
滯江元到海橫石不容輶
嶺

樹垂紅果汀沙聚白鷗從來交廣地還是古揚州

寄孔博士

疇昔同趨召雞鳴候啟扉聯章門下進並馬月中歸掖
樹啼鳥早風花委路微相望隔千里目斷楚雲飛

月夜

休撥紫檀槽且傾黃濁醪涼天兼得月我輩復持螯
蟲一杯大匡廬半壁高竹林瀟洒地應有醉山濤

露坐

愁極覺宵永坐深知露涼遣時聊命酒愛月屢移牀北
斗回杓近高城下漏長愧非疏附者撫事即蒼茫

望嘉祥山

放溜數百里悠然纔見山涼風吹雨過好鳥背人還河
水翻銀浪岡巒擁翠鬟不知幽谷底能得幾家間

蘇伯衡

題劉汝弼東源小隱圖

東源山水好間說似終南種黍都為酒誅茅小作菴過

門人問字看竹客停驂亦有幽棲意遲歸我獨慙

朱澤民畫

朝朝謀隱地忽見好山川雄麗皆衡霍幽深別澗瀍羊
眠松下石虹挂屋頭泉便欲抽簪去依崖結數椽

張孟兼

登聚寶山分韻得春字

蹤跡憐身拙登臨縱目頻江山如好客花鳥故餘春落
落行藏異悠悠歲月新數莖初白髮朝夕為思親

春日遊鍾山以溪回松風長分韻得長字

訪古來鍾阜尋僧問草堂千年猿鶴靜一逕石林荒
泉落春冰細梅留臘雪香鄉心憐薄暮矯首白雲長

危素

題營丘山房

太岳流芳裔何年徙贛州殊勲思尚父作室表營丘
故國兵戈後空山草木秋穆陵關北路風雪近曾遊

張以寧

題江仲暹聽鶴亭

仙鶴在人世長鳴思遠空有人秋水
上倚杖月明中玉樹三更露銀河
萬里風徘徊意無極遲爾出樊籠

送王伯純遊錢塘

君去渡江春鶯花著處新湖山有
喜氣天壤見斯人殘雪明松嶺閒
雲傍葛巾平生塵外意於此得天真

題劉君濟青山白雲圖

野性夙所忻青山無垢氛落花一
夜雨幽樹滿川雲鹿

跡閒行見松香獨坐間
殷勤招白鶴子亦離人羣

春日懷李叔成上舍

今代李公子詩看老杜親
江湖留雁久風雨惱花頻
竹屋燈懸夕柳瓢酒漾春
殷勤海子水待汝濯紅塵

夜飲蔣師文齋館

故人相與醉虛幌坐來清
月色宛在地鐘聲忽滿城
都將千載意併作異鄉情
若買青山得相攜歲晚行

雨

歷歷愁心亂迢迢客夢長春帆江上雨曉鏡鬢邊霜啼
鳥雲山靜落花溪水香家人亦念我與爾黯相望

崇德道中

暖日菜花稠晴風麥穗抽客心雙去翼詩夢一扁舟廢
塔巢蒼鵲長波漾白鷗吳山明月到惻愴十年遊

浙江

山從天目下潮到富陽迴此地扁舟去吾生幾度來林
紅晚日落江白雨雲開明旦須停棹呼兒看釣臺

過龍游

鷁首見龍游，羣山翠浪流。
陽坡眠白犢，陰洞鎖蒼虬。
樹密雲藏屋，灘長石啣舟。
呼兒具尊酒，聽客話杭州。

八月至直沽

野濶天低水，人家時兩三。
雁聲連漠北，魚味勝江南。
雪擁蘆芽短，寒禁柳眼緘。
持竿吾欲往，拙宦日何堪。

夜久

夜久未能寐，春來空復情。
遠沙爭月色，柔櫓助河聲。
客

枕荒雞到漁歌宿鳥驚鄰舟燈火亂早起又詩成

江干

江干望不極樓閣影繽紛水氣多為雨人煙遠是雲予
生何濩落客路轉辛勤楊柳牽愁思和春上翠裙

宿遷縣

今朝宿遷縣風急棹難停樹合藏深屋河移出遠汀山
容雲冉冉水影日冥冥柳色無南北春來不斷青

別王子懋趙德明

御河船上月相送到揚州共飲忽為別獨吟方覺愁水
花苔渚晚雲樹浙江稠歸雁長淮早裁詩寄與不

近無錫道中

疊橋隨港直聯木護堤偏村落皆通水人家半繫船橋
花香曙露楊葉淡寒煙中土何寥廓黃沙人種田

泊湖頭水長

客路春將晚征帆日又曛深山昨夜雨流水滿溪雲渡
黑漁舟集村空戍鼓聞故園頻夢去植杖已堪耘

雨發常山

僕夫趣予起初日出林間既雨縱橫水無雲遠近山馬嘶芳草去燕語落花間且喜邊陲定長逢戍卒還

分水鋪道中

長憶閩中路今朝馬首東山高雲易雨谷響水多風蝶把落花片鳥啼深竹叢功名一畫餅身世獨飛蓬

詹同

寄方壺道人

海上神仙館天邊處士星卧雲歌酒德對雨著茶經石
洞龍噓氣松巢鶴墜翎都將金玉句一一寫空青

送黎蘭谷游永州

舟子開帆日天風吹雪時關河歲將晏荆楚客何之水
接三苗國雲迷二女祠經過逢北雁應有寄來詩

袁凱

客中除夜

今夕為何夕他鄉說故鄉看人兒女大為客歲年長戎

馬無休歇關山正渺茫一盃椒葉酒未敵汨千行

出三江口有懷錢野人袞

處處無歸路悠悠且逝波渚花風外少江樹雨中多吹
笛蛟龍聽開窗鸛鶴過高人著書手頭白共蹉跎

送李高士歸荊州

南京高宴罷西土遂言歸江路猶殘雨荊門正落暉蓬
生仲蔚宅秋入老萊衣明日思君處蕭條鴻雁飛

懷陶叟

陶吏今何在迢迢江水東
瓜田連暮雨荷屋近秋風
本在義皇上聊遊鹿豕中
幾時春夜飲還對燭花紅

寓所寄何彥明

門倚秋沙白窗含野樹黃
稍能親雁鶩已覺遠豺狼
舊髮從渠短新詩頗自長
何郎最知我酒熟定能將

遊會稽山

山實揚州鎮人踰浙水來
禹功縣白日秦刻卧蒼苔
龍起梅梁去神遊石洞開
明朝有餘興更上越王臺

夜泊鎮鄧城

江水春逾闊，山雲夕更深。
移舟沙樹底，拄杖古城陰。
鴻雁攬人去，蛟龍入夜吟。
故園雙淚眼，拭斷更沾襟。

登浦上閣

高閣春波上，登臨獨愴然。
故鄉從此去，久客未言還。
花好誰家屋，帆輕何郡船。
朝來有微雨，應灑郭西田。

泗上書懷

為客山川遠，封侯歲月遲。
後生方爾汝，吾輩復驅馳。
豈

是逢迎倦深知氣力衰還將歸老意先報白鷗知

泗州書懷

白髮三吳客清秋泗水邊
宦途隨老馬歸夢逐風鳶
酒盡尋僧舍書來問客船
淮南與淮北漂泊過年年

思歸兼簡嚴八

天高風正急鴻雁傍人飛
江外無來使淮南盡搗衣
悲歌聊當泣遠望亦同歸
為報嚴夫子滄洲與願違

宴王主簿宅

故人王短簿老未即歸田賓客尊者艾園池有歲年好
花留舞蝶高柳宿啼鶯最愛西亭好時時得醉眠

懷王道士

宣城王道士愛著芟荷衣一自清江別三年白雁飛酒
徒隨處有沽客向來稀最憶青城夜狂歌不肯歸

王仙人遠過

聞道神仙侶來尋野客園談玄終未悟對酒且忘言接
樹朱櫻密綠坡紫笋繁醉餘春水上坐聽白鷗喧

春園

春園江水上江霧日昏昏沙煖常垂釣花深不閉門家
童鋤壟麥野客共盤飧衰老仍耽酒經年懶出村

馬氏西園宴別吳進士善卿

竹陰連水屋荷氣集池臺南國佳人去西園高宴開好
風因樹起新月渡河來別後江潭上離腸日九回

別墅

春園含薄霧野水散輕陰落絮隨風舞啼鶯坐樹深旅

情方自遣幽意待人吟獨少揚雄客時時載酒尋

一送任李二高士歸越

老去任公子重來李少君仙凡初不遠江海自離羣水
遠吳宮樹山連禹穴雲汀州有長笛日暮不堪聞

飲馬氏東園

烏衣東苑內春色正芳菲上客調詩律佳人試舞衣天
桃連雨發鸚鵡入簾飛況是多春酒厭厭夜不歸

賦陶與權雲所二首

豈有從龍意還同野老居
覆花初冉冉度水亦徐徐
隴上時相逐溪邊或自鋤
猶能作霖雨霑洒及鄰墟
斯人肥遁士高卧亦無心
野樹留餘潤春光帶遠陰
近牀意欲冷拂石坐還深
為問陶弘景何如隴上吟

懷王生

王生本靜者郡邑少經過
家住清江曲春來白鳥多
親庖餘酒肉官賦入菱荷
歲暮兼相憶臨流獨詠歌

立春日飲任氏西園

把釣歸東海，開筵近北臺。
千林殘雪盡，萬里好春回。
中散調琴坐，山公待酒來。
更須花滿樹，終日此銜盃。

陪陳應奉諸公宴馬氏西園

畫樓臨曉日，青蓋度行雲。
歌吹三春好，賓朋四海聞。
絮嫌飛燕態，花妬綠珠裙。
曲誤誰能顧，周郎思不羣。

高啟

晚次西陵館

匹馬倦嘶風，蕭蕭逐轉蓬。
地經兵亂後，歲盡客愁中。
晚

渡隨潮急寒山舊驛空可憐今夜月相照宿江東

送顧別駕之邊郡

故人雖盡別相去獨君賒綠路雲千堆臨邊樹一家渡
江船載馬到館燭驚鴉莫歎孤城廢春來尚有花

送僧恬歸靈隱

遊方應未久柳色變新年在路逢春雪還山訪冷泉鐘
催投寺錫燈照泊江船法意休多問無言即是禪

江上寄王校書行

寥落舊歡違江邊獨掩扉鄰家聞暮笛客舍試春衣宿
鳥歸山亂行人渡水稀相思比花絮斜日繞城飛

送越將罷鎮

楚客佩吳鴻臨邊最有功讀書圍壁裏賭酒射堂中旆
出莎城雨笳吹柳浦風越人相感意應與暮潮東

送孫主簿之德清孫善琴

山水匝秋城君行思已清道逢迎吏拜田雜戍人耕地
遠知邊信家貧稱縣名應攜一琴去相和長官鳴

寄熹公

禪居紫閣陰欲去問安心
野岸隨流曲山門隱樹深
千燈燃雨塔一磬出風林
想見跏趺處雲多不可尋

送史丞之海門史淮東人

黃茅連霧雨此地久荒涼
日出岵夷通江通渤海長
改官非謫宦到邑是還鄉
海上遙聞說歸人已裹糧

夜訪芭蟾二釋子因宿西澗聽琴

清夜獨幽尋巖扉落葉深
許攜陶令酒來聽穎師琴
人

醉月沉閣鳥啼風滿林應留西澗水千載寫餘音

過胡博士郊居胡善筮

頭白蘭陵客幽居共一村老來吟力退貧去告身存夕
吹鳴梨葉秋泉注稻根時因來問筮獨叩樹間門

送茅侯

欲知難別意孤棹去還停候吏分遙邇離人雜醉醒城
臨秋水渡樹帶夕陽亭後夜看吟燭憐君宿郡廳

孤雁

衡陽初失伴歸路遠飛單度隴將書怯排空作陣難呼
羣雲外急弔影月中殘不共鳬鷺宿蒹葭夜夜寒

曉步園池

髮隨秋葉落心共曉雲舒稍改新題句渾忘舊讀書林
爭移樹鳥池響食萍魚無限悠然意涼天獨步餘

次韻過建平縣

縣雖三戶小地僻罷兵防茶市逢山客楓祠祭石郎雲
埋鳴澗斧沙膠度溪航應愛青山好經過駐旅裝

送胡鉉遊會稽

山水獨行遍，苔溪仍剡溪。
衣逢新火減，舟渡雜花迷。
黃絹尋碑讀，紅裙賭墅攜。
清遊不能共，腸斷聽猿啼。

送陳則

挾策去誰親，侯門不禮賓。
邊愁長夜雨，夢裡少年春。
樹引離鄉路，花驕失意人。
一杯歌短調，相送欲沾巾。

暮春送陳郎中出守攜李

出幙方為郡，行車動畫輪。
圖書歸省吏，風俗問州人。
塘

水龍鱗細城槐兔目新莫言花已盡君到自陽春

吳中送顧生歸海陵

涼風初變柳歸興片帆孤家向三秋到田經幾歲蕪舊
音猶帶楚新夢未離吳明日江南北相思有雁無

城西客舍送周著作砥

客中寒食後惆悵送君違花隱歸城旆風吹渡水衣夜
窗炊黍散春苑鬪茶稀誰念西齋雨相思獨掩扉

送張羽後夜坐西齋

閒齋聽鐘坐憂緒悵多端鳴雁雨中急離人江上寒秋
燈下木葉夜艇隔風湍別後情蕭索方知舊會歡

徐山人別墅

茶香孤墅發竹色四鄰分掃地侵蟲字開窗散鳥羣樹
涼池過雨苔潤石生雲我出無車馬偏宜訪隱君

客館秋懷

獨卧愁空館牆陰野豆開暑將潮氣斂秋與竹聲來身
賤多違志時清少棄才慙非張仲蔚門戶有蒿萊

秋夜宿周記室草堂送王才

相別還相戀
秋宵暫對牀
人情貧後見
客況醉中忘
池柳疎含吹
江雲薄護霜
離舟待明發
愁思劇茫茫

江上雨

冥冥衆樹昏
浩浩一江渾
急有迴風韻
輕無入霧痕
鳥啼叢竹嶺
人卧落花村
門巷春泥滑
誰來共酒尊

送賈二進士歸省

年少擅詞華
曾看八手叉
晨裝歸路雨
春酒別筵花
馬

帶雲過嶺人同燕到家罷官趨覲好不是謫長沙

荅宗人廉夜飲王氏池亭見懷

遙聞池上酌涼夜失炎天酒碧傾當竹衣香坐近蓮沿
波人弄月翻樹鳥鳴煙座上誰相憶唯應是惠連

賦得蟬送別

疎槐細柳中涼占一枝風蛭出形猶弱驚飛響未終雨
來林館靜日下驛門空離管尊前發悽涼調正同

何隱君小墅

移家營別墅一逕竹扉開
泉滿疎渠放花多借地栽
壁間田器挂窗裏浦帆來
自戀幽居樂誰言是棄材

贈張明府

聞道彈琴處門前柳帶沙
海珍通估市湖稅減漁家
暮港迷荷葉秋田間豆花
亂來無此地君政亦堪誇

送唐博士肅移家攜李

楊柳發初齊春陰廢苑西
故人乘醉別新鳥傍愁啼
舟重全家去詩多一路題
杏花開北郭誰復共招攜

贈妓

樂籍小名收戾家舊主謳笑能撩客喜醉肯逐人留蝶
識薰香氣鶯慙度曲喉更憐諳酒令少日住揚州

荅高廉同飲後見寄

竹林清暑宴客散獨歸時愁寄歡餘別醒慙醉後詩蟬
催斜景急鳥度廣川遲何事聞鐘處勞君尚遠思

沈徵士鉉野亭

清時猶在野獨卧見高情移艇聞煙唱釣簾看雨耕江

晴雙鸛下樹晚一牛鳴回首徒相憶柴車不入城

溪上

秋色共溪長遊人笑語涼萍開天倒影蓮隨水流香魚
留和星漉禽且帶雨張從今搖桂棹不必問瀟湘

寄錢塘諸故人

年少客名都狂遊每共呼荷深箏在舫竹靜矢鳴壺明
月潮千里殘陽雨半湖故人能念否歡意近來無

送烏程馮明府

青山若下南一騎入晴嵐縣治琴聲古泉香酒味甘竹
欄春護鴨葦箔夏分蠶大小馮君後傳家爾最堪

賦得蟹送人之官

吐沫亂珠流無腸豈識愁香宜橙實晚肥過稻花秋出
蘄來深浦隨燈聚遠洲郡齋初退食可怕有監州

江上早發

蒼蒼汀霧起何處望高城游子曉初發居人寒未耕犬
鳴林月落魚躍浦風生已有先行者煙中聞棹聲

客舍喜侄庸至

客裏逢人喜相過
况阿宜遠遊驚歲晚
多難惜門衰帆
落江橋近鐘來野店遲
一杯燈下語渾似在家時

楓橋送丁鳳

紅葉寺前橋停君
晚去橈醉應忘世難歸
不計程遙山
隱初沉日風催欲上潮
離魂來此處還似灞陵銷

送易從事祖飲南渚

疎楊映老荷別處最秋多
送客年年路愁人日日波
霞

明添醉色風急斷離歌莫為官程促青山易看過

題張靜居畫

楚客寫荆岑秋雲隔浦陰人家連橘塢水廟映楓林亂
後清遊歇愁邊遠色深相看休向晚怕有峽猿吟

夜懷王校書

燈暗獨吟餘疎桐月滿除蟲寒初入戶鼠餓欲侵書河
漢三更望江湖兩地居相思無去夢今夜恨何如

答陳則見寄

何由慰遠思獨詠寄來詩行路方難日清秋欲盡時江
多驚雁火樹少宿鳥枝早晚如相見應憐有鬢絲

送石明府之崑山

茂苑行春罷攜琴又向東潮聲數里外山色半城中帆
帶桃花雨衣翻柳葉風島夷聞善政為有船舶通

過城西廢塢

亂前遊最熟亂後問都迷園散栽花塢林荒采菊蹊廢
泉流圃淺斜日下城低唯有煙中鳥迎人似舊啼

贈鄰友

同居一塢中只隔水西東
林近書燈露溪迴酒舫通
放鳬長合隊移竹每分叢
只恐君徵起難期作兩翁

宿道王蘭若

借榻到僧扉雖安未是歸
暝禽愁雪意夜篠助風威
燭盡思燃帶衾寒起覆衣
不知孤棹去明夕更何依

與詩客七人會飲余司馬園亭居皆在北郭

情與酒兼和園亭駐晚珂
家同榆社近人比竹林多
短

景催長宴醒吟雜醉歌亂離歡易失無厭數相過

登西澗小閣

層檻構雲牢清寒洒客袍石稜添澗險閣勢借峯高風
竹驚棲鳥霜藤絕飲猱欲題因境勝不敢易揮毫

江上答徐卿見贈

煙樹近松林扁舟晚獨乘江黃連渚霧野白滿田冰往
事愁人問虛名畏客稱無才任蕭散敢望鶴書徵

南溪晚歸

流水出雲根遙通古寺門山深僧少俗人靜市如村馬
渡知長淺魚行見不渾多情溪上月歸路照黃昏

西園閒興二首

看到竹過鄰園林獨卧身鳥聲閒似野人意倦知春殘
雨驚池樹斜陽照隙塵如何堂上客不及燕來頻
當路闕追攀端居自掩關聽鐘知近寺看畫憶登山曉
櫛風林下宵吟雨閣間天應憐我懶獨與少年閒

送謝恭

涼風起江海萬樹盡秋聲
搖落豈堪別躊躇空復情
帆過京口渡砧響石頭城
為客歸宜早高堂白髮生

步至東臯

斜日半川明幽人每獨行
愁懷逢暮慘詩意入秋清
鳥啄枯楊碎蟲懸落葉輕
如何得歸後猶似客中情

郊墅雜賦十六首

江水舍西東鄰家是釣翁
路痕深草沒井脉暗潮通
籬隔疏邊雨門開竹下風
不因時賣畚何事入城中

此鄉堪避地亂後戶翻增俗美嫌欺客年豐愛施僧帶
星耕處輒照雪紡時燈且作求田計元龍豈我能

幽事向誰誇孤吟對晚沙浣衣江動月繫艇岸垂花行
蟻如知路歸鳬自識家一尊茅屋底隨意答春華

春泥桑下路孤策自扶行身賤知農事心閒見物情魚
鳴風欲起牛飯月初生漸喜無人識何煩易姓名

移家到渚濱沙鳥便相親地僻偏容懶村荒却稱貧犬
隨春鎰女雞喚曉耕人願得無愁事閒眠老此身

紛紛謝人役寂寂戀吾居
細雨春霄後斜陽社飲餘
岸花飛趁蝶池葉墮驚魚
好了公家事休令吏到廬

路迂橋斷處門靜犢眠時
孤墅藏羣柳諸田灌一陂
僮閒春作少婦懶午炊遲
誰道花源好還令太守知

虛閣近鳴湍應宜把一竿
雨傷春麥爛風折晚蒲乾
抱甕臨江汲攜書入寺看
自慚何獨幸世難此偷安

亂渚交交白平蕪漫漫青
賣薪沙店遠祈穀水祠靈
密雨侵叢重微風過網腥
江邊多酒伴春去不曾醒

入夜潮侵戶經秋雨壞垣里人淳少訟田父醉多言稻
蟹燈前聚莎蟲機下喧自應耽野趣不是戀鄉園

欲沽嗟市遠煙火隔江波客到寒齋少人歸晚渡多汗
書燈燼落驚枕櫓聲過豈敢愁荒寂時危免負戈

野色迴蒼蒼開門葉滿塘僧來雙屐雨漁卧一船霜靜
裏修香傳聞中錄酒方平生當世意到此坐成忘

紅樹江南近青山北郭遙江清目渺渺林冷髮蕭蕭食
鱸知晨釣聽歌識暮樵尋常送歸客不過水西橋

何處可徘徊林間共水隈
夜歸家犬識春睡野禽催
有地唯栽藥無村不見梅
興來慙獨飲時喚老農陪
狂多愛出遊日日問江頭
小草皆春意遙山自晚愁
酒中時有得物外復何求
不詠騷人調蘼蕪任滿洲
居似臨邛宅耕非鄠杜田
已償輸稅米未覓賣文錢
把卷憐長日看花媿少年
翛然閉門處楊柳桔槔邊

西清對雨

楚臺雲起遠漢苑雨來微
曉濕宮城旆寒沾陞楫衣
溝

中隨葉墮爐畔帶煙飛坐詠西清暇君王召對稀

送秦主客遷侍儀使

蕃客來曾識衣冠上國風承恩趨北闕罷直出南宮導
駕爐煙裏催班漏點中時清多奏頌還向閤門通

春日退直呈禁署諸公

待詔直東華歸休每日斜職連詞客苑俸入酒胡家簷
網長縈絮庭磚欲過花知君未出院應草侍中麻

送張司勳寶慶同知

乍出司勳幙還乘別駕車按圖猶漢地輸布盡蠻家山
熟蛇懸樹江晴鶴浴沙郡樓回首處北斗近京華

早出鍾山門未開立候久之

關吏收魚鑰趨朝阻向晨忘鳴雞睡熟倦立馬嘶頻析
靜霜飛堞鐘來月墮津可憐同候者多是未閒人

雪夜宿翰林院呈危宋二院長

偶伴王摩詰寒宵宿禁林院鈴風外靜宮漏雪中沉絳
蠟銷吟燭青綾擁賜衾明朝陪賀瑞銀闕曉光深

夜逢故郡賀冬至使胡普二博士同宿

會宿本無期
忻逢兩舊知
問年驚別久
候曉畏朝遲
寒澀高城漏
陽迴上苑枝
明朝使事畢
歸騎又天涯

送鮑翰林遷官陝右

鑾坡初罷直
西去惜離羣
載筆唐供奉
褰帷漢使君
濁流河驛雨
高樹岳祠雲
公暇應懷古
登臨賦夕曛

送思上人

名林雖盡廢
南去只隨緣
野飯晨留鉢
城鐘夜到船
虎

馴應畏法鳥喚不驚禪他日期相見高峯舊塔前

宴王將軍第

流水通侯第行雲傍妓臺雨催牙仗散風引羽觴來曲
學移聲按詩隨得韻裁莫令遊宴歌次第過花開

送朱從事之吳興

釋褐方從宦青山故郡鄰草深湖帶雨花暗驛藏春鼓
聚祈蚕女舟逢射鴨人幙中應待久徒此惜離辰

謔柳

何恨苦長顰纖姿嫵媚春慣愁行路客羞比舞筵人亂
葉斜斜雨狂花冢冢塵殘蟬來噪日應落漢潭濱

京師寓廨

誰言舊隱非靜里且相依綠樹城通苑青山寺對扉官
閒休直早客久夢還稀是物春來典惟存舊賜衣
幾夜頻聽雨經春不見花靡蕪青渚燕楊柳白門鴉拙
宦危機遠工吟癖性加閒坊車馬少不似住京華
寂寞過芳時幽懷只自知袖無投相刺篋有寄僧詩鼠

跡塵凝帳蛙聲雨到池疎慵堪置散不敢怨名卑

送舒徵士考禮畢歸四明

寄語關門吏休輕尚布衣叔孫聊應召周黨竟辭歸赤
日京塵遠蒼煙海樹微送君還自歎老却故山薇

甘露寺

勝地江山壯名林歲月遙剎藏京口樹鐘送海門潮月
黑龍光發天清蜃氣銷何當尋狼石閒坐話前朝

慧聚寺次張祐韻

煙斂城初出潮來野欲吞危樵綠磴角倦衲憇松根刹
表藏林寺鐘聞隔水村畫龍飛去久空掩殿堂門

臨頓里十首

聞說橋東地高人舊隱居養生應有道覓舉絕無書愛
救粘絲蝶嘖驚出水魚時尋戴顓宅自駕短轅車

應愛山齋好秋風不捲茅鑿渠侵蝕穴移樹帶禽巢人
世真浮梗吾生豈繫匏不逢皮從事誰結歲寒交

載酒攜山榼安琴置石牀鳬眠皆傍母蜂去自從王穀

雨收茶早梅天晒藥忙不扶靈壽杖筋力老能強
自少圖名意誰言世不知僧求開寺記客送買山資細
雨魚生子斜陽燕哺兒平生無事迫心苦為尋詩

斬伐憑樵斧經綸在釣車薄雲還露月小雨不妨花酒
債應多處詩名自一家虛煩時主召懶脫故衣麻
長物元無有何勞犬護扉借看高士傳學製道人衣窗
破容螢入船空載鶴歸定緣幽事繞不是宦情微

沐罷便輕幘消搖詠晚天清風蘇病鶴驟雨集鳴蟬舊

史堆緗素新經錄洞玄誰知城郭裏別自有林泉

汨汨泉通圓蕭蕭柳映門折花搖樹影踏藕損蓮根飢
鴨呼歸艦新蠶試浴盆屋前高石在知是鬱林孫

茶租催未得菊餌服還能行古時人笑文工造化憎貧
留漁艇載老謝鶴書徵誰識先生樂悠然卧枕肱

澹泊心情在蕭疎髣髴影殘引泉規作沼留筍待成竿自
洗沾泥屐誰收挂壁冠毛公新有約月夜禮天壇

雨蓬

楚雨滿汀洲。瀟瀟灑灑客舟。夢驚孤枕夜愁掩。一篷秋葦。
葉寒相戰。灘聲暗共流。此時湘浦上。同聽只沙鷗。

新荷

如蓋復如鈿。初生雨後天。葉低浮水上。莖弱裊風前。乍
覆遊魚戲。難藏宿鷺眠。佳人休便折。留蔭採蓮船。

過戴居士宅

江邊戴顓宅。地好愜幽尋。高樹藏卑屋。新篁補舊林。鳥
成留客語。雲作護花陰。不負滄洲約。重來論夙心。

歸鴉

啞啞噪夕暉爭宿不爭飛未逐冥鴻去長先野鶴歸荒
村流水遠古戍淡煙微借問寒林樹何枝最可依

晚坐南齋寫懷

雁過南齋暮魂悄然坐中賤貧長作客愁病欲成翁窗
洒侵燈雨庭翻走葉風山妻猶解事未遣酒樽空

過劉山人園

欲問幽棲處花蹊逐澗迴夕煙羅幙卷春雨藥房開野

鶴知琴意山蜂給酒材城中少閒客誰解引車來

次韻楊禮曹移疾之作

養疾深扉掩還應謝俗交鳥多風和語葵晚雨緘苞印
向閒廳鎖鐘間近寺敲相思愁莫遏高樹古城坳

報恩寺逢蔣主簿就送還如臯

貪語酒寒頻新年見故人別時煙寺晚歸路雪江春造
次燈前面蒼茫舶上身明朝楚花發莫歎縣厨貧

鄰家桃花

春色東家出相窺似有心曲垣遮自短別院閉還深影
動疑人折香搖如蝶尋好風時解意吹片拂羅襟

和王校理夜坐

池暝花如霧蒼蒼月照開梁空雙燕睡簾暗一螢來兵
散誰家笛人違此夜杯如何對清景愁思却相催

答陳校書客懷

同患君尤甚時難覺意真愁邊長夜酒夢裏少年春遊
遠荒家業交疎困路塵一杯歌短調誰聽不沾巾

酬余左司

門巷接垂楊同鄰忘異鄉
兒親欣見熟僕立厭言長
讀借風牀簡炊分雨碓梁
亂來成久別能不為情傷

春日懷諸親舊

楊柳燕差差鄰家換火時
春寒添客思夜雨減花枝
涉世悠悠夢懷人的的思
出遊無舊侶空館獨題詩

楊基

雪中柳

春雪晚蕭蕭隨鶯上柳條漸將絲共結終與絮俱飄淚
粉凝啼眼珍珠壓舞腰東風自憐惜留映赤欄橋

雪中燕

燕雪兩差池相兼拂繡幃玉樓迷故壘珠箔見烏衣斜
訝衝花落輕疑掠絮飛曉寒人未起還認畫梁歸

秋日舟中見蝶

趁暖戲晴川依人上畫船粉銷煙翅薄香冷露鬚拳野
菜疎籬外山花小徑邊夜深桃李夢猶在綺羅筵

荷葉

圓的破蓬苞孤莖上藕梢雨撐棲鷺屋風捲陰龜巢溪
友裁巾幘虛人作飯包小娃曾已折新月裏湖坳

雨

雨急愁雲黑窗虛愛竹青石泉流細細山鳥去冥冥醉
裏傾荷葉飢來煮茯苓不知劉道士何用換鵝經

偶題

身懶交遊絕時危感慨新清江催短鬢芳草怨歸人花

落縱橫雨鶯啼淡蕩春欲搖舟楫去波浪沒平津

贈沈真仲徵士

花落滿煙莎蘭舟喜見過壯心丹未已愁鬢綠無多小
燕斜斜舞新鶯婉婉歌都將舊游意一笑付江波

送王仲容之上海

薄宦依東海孤城隔戍煙花疎寒食後人遠暮帆前深
巷編蒲履斜岡種木綿毋煩厭荒寂微祿有畬田

寄葉德彰戴叔能

江遠樹層層蒲荷葉漸增酒樽池閣雨棋局夜船燈竹
淨刪逾瘦花疎掃未能亭亭川上鵲風雨看飛騰

贈婉素

同祀碧雞神絲蘿又結姻文如謝道韞書逼衛夫人冀
缺終相敬梁鴻不厭貧還能事荆布歸釣五湖濱

方氏園居

北墅花連屋東園菊遶庄病長陪客坐老不厭人狂鵝
鴨雙陂雨楂梨小樹霜他年倘相遇里邑定名方

多水少塵埃經年不掃苔竹繁頻洗菜松老別求栽雪
竇看碑入雲窗晒帖開徐貢與張羽乘月想能來
秋氣入郊墟新涼似雨餘囊收試驗藥藁集著成書酒
熟知愁減花開覺病除何曾費錢買山果及溪魚

解珮酬琴價將書當酒貲竹樓聽雪夜梅屋看花時女
嫁為農婦兒從作圃師鄰翁無奈俗招飲豈能辭

回汀兼復渚迢遞入漁邦有港皆通楫無山不到窗疎
煙春隴犢深雪夜籬厖過客停舟問而翁恐姓龐

江村雜興

春墅一鳩啼
橋危懶過谿
徑苔都上壁
野菜不分畦
倚杖妨花密
看山礙竹低
欲知幽隱處
風雨白門西
陋巷泥三尺
無人訪隱淪
窗鳴風減睡
炊斷雨添貧
野路花迎客
江橋柳送人
暫須依薄俗
憇此竄餘身
春色冶城東
花濃笑老翁
燕遲雙壘破
蜂早一房通
薄暝山腰雨
疎紋水面風
便攜蓑笠去
垂釣綠蒲中
拚醉望愁醒
愁因醉轉增
已歸仍似客
投老漸如僧
詩

興風樓笛棋聲雪舫燈莫言渾不解此事野夫能

東瀼復西圻村村可釣磯草於煙處密花較雨前稀小
管催鶯出疎簾待燕歸傷心新柳色猶如舊羅衣

江橋春別後沙舸獨歸時鵝鴨東西宅菰蒲遠近陂藕
深荷蓋密竹瘦筍鞭遲野趣誰能識唯應白鷺知

斜檻俯江湍輕帘矗小竿柳寒鶯羽濕花暖蝶鬢乾酒
或臨流酌詩多寫石看不因迂僻地那得此身安

江影搖春樹潮痕摺晚沙綠蕪三尺雨朱槿一籬花去

國仍思國還家復夢家自無干祿意何必遠京華

句曲秋日郊居雜興

茅屋人歸後荒村更異鄉樹寒烏遶月江冷雁啼霜影
賴燈相續愁緣酒在忘明朝覽青鏡白髮幾多長

出門山氣夕循逕入谿陰野水經寒淺秋風到晚深草
潛驚鶻兔莎露啄魚禽自采黃花嗅誰知獨步心

漸老愛秋光升沉意兩忘雁聲偏到枕蟲響故依牀薜
荔千林雨芙蓉一樹霜故園叢菊在哀蛩為誰香

庭樹聚棲鴉溪流投淺沙瘦憐人似菊濃愛葉如花秋

色都連水寒雲忽變霞自慚長在客無地不思家

編竹補疎籬生芻束酒旗雞豚田祖廟鷹犬獵神祠玉

糝菰為粉瑤酥豆作糜兒童採蘆葉爭學短簫吹

欲往竟無適意行仍獨還猿聲黃葉寺牛背夕陽山書

棄將成業身投未老閒相逢莫嘲諠才與不才間

偶隨黃蝶去岸幘樹邊橋卯酒紅初散朝霞白漸消沙

平留雁跡水落見魚苗却愛箕山老從容棄一瓢

落葉擁柴扉村深客過稀曉車分穀去晚笛飯牛歸漁
負雨蓑立鳥銜霜果飛此中真小隱予亦久忘機

夏夜有懷

重露澄秋色輕風生夜涼碧看湖草亂紅愛渚蓮香有
弟徒相憶何人不異鄉悲笳在城上雙淚落衣裳

柏師文

白髮已千莖相逢喜氣生看山留十日待月坐三更秋
浦槎頭釣春泥谷口耕莫言踪跡閔朝市久知名

翟好問

愛爾山城隱柴門對縣衙
酒貲千畝芋生計一園瓜
雨步荷巾濕風吟蓆帽斜
時時扶短杖看竹到東家

送句容劉少府回揚州

家具一車輕囊書與短檠
吏多難別意人有去官情
帆影江沉寺簫聲月到城
竹西尋舊業煙雨綠蕪生

瓜洲逢丘克莊

江水靚如空江華冷未紅
憐余猶客裏羨汝已鄉中
白

汀青山雨烏紗短帽風不須搖艇子垂釣五湖東

立夏前一日有賦

漸老綠陰天無家怯杜鵑東風有今夜芳草又明年蟄
熟新絲後茶香煮酒前都將南浦恨聊寄北窗眠


湘中雜言四首

鄂渚雲歸後巴山雨過時鵲啼湘女廟花落楚王祠家
遠身如夢愁多鬢易絲聊將身暫泊沙嘴看鸕鷀

飄裊一湖香青青杜若長花迎衝浪楫鳥逐使風檣欲

采蘭為佩仍搴荔作裳何如山閣上屏裏看瀟湘
城近江臨郭沙虛月在川柳宜春雪後花怯晚風前野
爨三家市鄉音幾處船坐聽磯下水嘈雜響湘絃
指點鷗飛處人間是岳州湘潭山亂出江漢水兼流深
竹新祠宇飛花舊酒樓平生已楚夢明日洞庭遊

御選明詩卷五十



總校官庶吉士 臣侍朝

校對官檢討 臣蕭九成

謄錄監生 臣周元

欽定四庫全書薈要

集部

御選明詩卷五十一

詳校官原任主事
李斯咏



欽定四庫全書
御選明詩卷五十一
集部

御選明詩卷五十一

五言律詩一

張羽

尋春

朝來微雨罷何處可尋春
冰散池容動煙銷柳意新
穿林聽鶯遠度陌問花頻
但覺相逢處情親似故人

尋梅

策杖度林塘幽尋犯曉霜臨池疑掩映傍竹畏遮藏款
曲敲僧舍徘徊繞苑牆好攜三弄笛樹底為催妝

早春旅懷

遠客歸未得東風冷尚嚴燒痕山頂秃春色柳眉尖病
久醫方熟貧深酒債添浮生欲何以朝暮為薺鹽

寄王隱君止仲次高季迪韻

春江念久違獨掩雨中扉新水添漁網初晴稅繭衣饌
餘憐笋嫩酒熟惜花稀在客偏相憶韶光去若飛

遊虎丘

春入翠微深
春風吹客襟
相攜木上座
來禮石觀音
老樹積古色
薄雲生晝陰
林僧修茗供
默坐契禪心

夏夜舟中

畫舫暮來過
風傳子夜歌
簟紋涼更淨
荷氣夕偏多
落月斜簾柱
流鶯拂扇羅
此中無限意
其奈曙鐘何

涼夜

金氣已呈秋
新涼入夢幽
閨人砧欲動
侍女扇將收
玉

露清瑤簟銀河繞畫樓更憐今夜月隱隱樹西頭

江晚旅懷

短長亭下景引睇入吟哦疎樹立寒色短煙行夕波山
空秋氣老江遠客愁多忽動匡廬興白雲生薜蘿

池上

秋水轉庭柯臨池晚興多禽閑棲缺岸魚戲動涼波露
浥將衰柳風歛欲敗荷雖無江海思咫尺得頻過

約徐隱君幼文同隱吳興

吳興好山水子我盍遷居
繞郭羣峰列迴波一鏡如蠶
餘即宜稼樵罷亦堪漁結屋
雲林下殘年共讀書

送呂道士

石室無人住歸心似鶴輕
山君驅虎去童子報丹成
玉竇憑龍守芝田借雨耕
懷君明月夜遙聽步虛聲

寄吳有本

相思不可見夢裏却逢君
兩地共明月一方空碧雲
江秋鴻背侶山夜鶴離羣
記得湖邊寺詩題醉後分

孫景翔幽居

厭踏軟紅塵，閑居江上村。
養魚寬鑿沼，愛竹別移門。
月色侵書幌，山光入酒尊。
我慙行役擾，猶未卜田園。

送劉仲鼎歸杭州

欲別又牽衣，傷心故舊稀。
自憐為客久，不忍送君歸。
遠岫明殘雪，空江淡落暉。
東風重回首，一鴈背人飛。

越上別范景文

君家難弟兄，當世結詩盟。
五字關風雅，千年說姓名。
遠

煙拖柳色薄月瀉灘聲又作耶溪別何時話此情

隱者山房

家住白雲深好山青對門樹肥花結子土暖竹生孫猿
挂枯松折牛行淺水渾自云歸隱後嬾與俗人言

山陰曉發寄暨陽舊友

水漲官河遠西風去棹輕四山猶暝色萬木盡秋聲村
近聞雞犬天寒憶弟兄故園歸未得飄泊若為情

詩窮

道在何妨拙身安一任貧已知如意事不逐苦吟人瀑
布空山月梅花破屋春奚囊有佳句未肯寄朝紳

客夜懷王英甫

半生江海上猶未卜菟裘今夜鴈初過他鄉人正愁青
燈孤枕夢黃葉一庭秋何日尋歸棹山陰訪子猷

席上聞歌妓

豔色傾前席高歌度遠楹羞多時掩面嬌重未成聲淺
按紅牙拍輕和寶鈿箏周郎知誤處衆裏最多情

玉泉山中懷李景山田師孟二公

鴈落蒼煙外
蟬吟夕照中
與誰論古道
獨立秋風遠
岫青無數
晴波碧四空
故人成久別
不見寄詩筒

送同行省親

送子綠楊堤
楊花如雪飛
相看忍相別
同出不同歸
鴈背夕陽遠
馬嘶春草肥
北堂慰孤寂
喜色動斑衣

永康道中

石路多盤折
秋陽向鬱蒸
矮牆低貼水
老樹倒懸藤
白

髮腰鍊叟緇衣頂笠僧村醪何處問更入亂雲層

過瓜洲

落日瓜洲渡餘寒透薄衣客囊空惹惹以春色自薔薇江
遠水東去天晴鴈北飛故山千里外昨夜夢先歸

隱者山房

一龕居絕頂門外衆山橫池小魚能活庭荒草亂生窗
虛延月色林遠隔鐘聲俗客不得到主人無送迎

送客還山

乍見即言還望雲歸遠山舟行白鳥外路出綠陰間鄰
父開松徑家童埽竹關世塗方擾擾誰復似君閒

訪道行上人時寓海雲

尋僧自補履古寺夏雲中聽鳥明聞性看花悟色空風
傳煙磬遠竹引野泉通便欲捐塵累香燈事遠公

送僧之華亭行化

華亭多勝槩此去幾時還古寺寒林外荒城野水間地
靈偏有鶴海近絕無山龐老知音者相看必破顏

贈僧還日本

杖錫去隨緣鄉山在日邊徧叅東土法頓悟上乘禪咒
水龍歸鉢翻經浪避船本來無去住相別與潛然

徐賁

宿王判簿宅送徐孟岳

來往頻吳越扁舟只載書言從交後浹情恐別時疎涼
意蓮塘靜宵光竹牖虛懸知待明發折盡是愁初

東城道中與王守敬張思廉同賦

水郭秋風後尋詩客共過晚鴉將集渚風葉盡隨波野
客便詩思潭魚識棹歌前山青數點不似亂雲多

送唐處敬赴嘉興

莫謾唱陽關愁多湖上山春風催去艇酒色解離顏路
出三江外程淹一日間官亭車馬散俱是送君還

次韻荅楊孟載池閣晚坐四首

獨坐面萍池微涼汎碧漪意緣多病嬾詩是苦吟遲孤
柳風難定叢篁雨不歇蕭閒此中趣未信髣如絲

晚涼池閣靜藹藹綠陰交野燕將新子牆桑發舊苞藥
房因雨閉茶臼待晴敲誰念孤吟客繩牀坐岸圻
閣晚飈初歇池萍水不漪衆禽鳴未定獨鶴宿常遲無
悶杯仍酌多眠枕屢欹黃梅時節裏常是雨絲絲
習靜消微恙驚時念故交花殘紅剩萼蕉長綠成苞茶
器晚猶設歌壺醒不敲遙知涼思足行樂到林坵

秀野軒

何處問幽尋軒居湖上林竹陰看坐釣苔迹想行吟嶂

日斜明牖渚風涼到琴相過有鄰叟應只話閒心

和高二啟間鄰家琵琶之作

花暗短垣春琵琶度隔鄰促絃知改調停撥似要人得
見情應眷遙聽已思親推藏曲中怨何事話能真

送易架閣

何處唱離歌前湖一棹過日斜山似近水落渚偏多寒
意歸沙柳秋風到浦荷不知今夜夢還隔幾煙波

丁未年人日

人日轉寒深春城澹澹陰殘梅仍故色啼鳥換新音
喜逢時看詩多感物吟愁來渾是醉誰道酒能禁

待杜二寅不至

春水路西東思君悵望中落花湖上雨歸鳥柳間風
雲影疑飛蓋歌聲認短篷蕭條一杯酒此夕向誰同

夜投白蓮寺

飲別東家更行投西寺僧無風收閣幔有月罷廊燈
竹夜聲偏集池寒色似凝無端值詩景清興覺逾增

兵後過畢亭山

畢亭西去遠一過一淒然鴈宿蘆中月人歸草際煙
漁家多近水戎壘半侵田尚喜餘民在停舟問昔年

同行師訪席有道分韻得尋字

邂逅空門友仙家得共尋石苔經屐破水溜落溪深
雲過松分影林寒鶴避陰何煩謝人世心靜只山林

虞文學村居

行盡沙村路林塘得隱居竹光琴席上蓮氣酒杯餘
露

重時間鶴風平或見魚會當明月夜相與步前除

李逸人同川藥隱

小墅離村遠門當水竹開
芷蒲皆藥草雲鳥盡詩材
春雨躬耕去斜陽訪病回
花藏溪上路只許酒船來

夜坐池上有詠

新涼滿綠波窗戶雨纔過
岸響聞蒲葦池香識芰荷
隔雲星現少承月露疑多
夜靜誰能到詩成只自哦

游浮玉山

浮玉山前路樓船泊渚沙蘋香風際草杏色雨前花閑
鳥兼湖淨遊絲趁岸斜不因來此處那得賞春華

蓮花涇莊

洲渚綠縈迴菱花面面開路從花外過山向柳間來鳴
鷺驚迴舫遊魚仰酌杯同為城郭裏此地絕塵埃

題周伯陽所居

山深獨置家地帶竹林斜花盡纔收蜜煙生正焙茶客
來門放屨樵出路鳴車不但成高隱營生亦有涯

馮上人湖上別業

宅近南湖口青山盡在門
田卑嘗冒水鄰少不成村
住久諳農事耽閒悟道言
如君避地者今有幾家存

詠妓

出閣初含笑臨筵復理妝
蘭膏分髻綠蕊粉間眉黃掩
扇羞嗔小褰衣舞恨長
不知坐中客若箇是盧郎

贈虛中上人

歸去東林寺行循曲澗流
餘燈因佛在宿飯為猿留
竹

屋煙迎夕菱池雨送秋還
參衆師舊一一話曾遊

送客

津亭鳴鼓罷行色柳先知
酒到聽歌歇詩因戀別遲
亂山投驛晚足馬扣門時
草檄軍中事多因載筆隨

戊申正月試筆

佳氣麗層城龍河溢曉清
市橋綆騎集巷陌寶車行
柳上春多思蘭心雪有情
風光看更好底事客愁生

次韻楊孟載感故園池閣四首

草閣開清曉鈎簾爽氣通綠蒲藏藥裏文符縛詩筒盥
手纔臨澗梳頭得面風此時應待暇行繞碧梧桐

草閣開清晝官閒過客多枕材便礪石酒具給池荷蕉
長宜聽雨萍交不見波此時情爛漫歌詠復如何

草閣開清晚涼生自有期菊因風始護竹待雨方移妓
進調成瑟童收奕罷碁此時杯酒裏明月是相知

草閣開清夜垂垂星斗零水蒲藏白小露草宿蜻蜓文
梓栽憑几生綃畫卧屏此時涼似水看子拾流螢

獨坐懷鄉中友人

獨坐荒山暮相親是酒杯人從鄉裏別秋在客中來倦
鳥須臾去幽花次第開離心自多感不為歲時催

送曾伯滋赴西河將幕

上將初分閫儒官解習兵風旗春獵野雪帳夜歸營洮
水從岷下祁山入隴平知公能載筆草檄報邊聲

送朱知事

惆悵官亭酒如何送客頻水煙漁市晚花氣野橋春小

騎行沙健輕衫映柳新
尊前莫催別明日異鄉人

宋克

秋日懷兄弟

相別幾多時相思淚滿衣
家貧經難久世亂得書稀
作吏余誠拙從軍事亦非
鄉心秋塞鴈盡日向南飛

陳則

朝真宮夜陪席鍊師

蘿徑掩空扉炎塵逐雨歸
山明餘夕在草暗一螢飛
姹

女鸞和馭丹仙鶴羽衣焚香與默坐初悟幻情非

過獅林精舍

清境超塵格松龕映竹開魚驚幡影散鳥聽鉢聲來梵
像敷蓮座禪宗問木杯山僧不應世白髮也瑤髥

雨後過獅林精舍

當曉一鶯鳴林收宿雨晴網殘蟲脫胃蜂鬧蜨催成梅
氣袈裟潤花香佛座清迴廊僧不見看壁自吟行

王行

次韻沈學菴閒居雜興三首

庭戶無塵雜軒楹淨埽除爐煙消晚坐簾日照晨梳清
逸吟邊興騫騰醉裏書時看問奇者來覓子雲居
樹影覺秋疎山光映晚除溪毛和雨薦石髮任風梳艾
納窗餘篆芸暉架有書呼兒具毫楮應欲賦閒居
閑懷聊自適老態詎難除白髮從千丈清風每一梳衆
峰陪獨詠孤枕伴琴書況有能吟侶時來慰索居

呂敏

書雲林畫林亭遠岫

憶過梁谿宅於今二十年賦詩清閨閣試茗惠山泉夜
雨牽離夢春雲黯遠天鄉情與離思看畫共茫然

辛亥五月過弘道西齋重題

蔥蒨夏林綠高齋方夕曛幽花垂泣露遠岫斂歸雲停
策風初至移尊酒半醺明朝憶佳賞回首念離羣

寄高季迪

客館俯江郊秋深不自聊別來心更苦思去路還遙桐

葉風俱落菱花雨半銷何由似流水早晚赴歸潮

滕毅

秭歸卽楚王臺舊基爲新城

春風夔子國落日楚王臺江繞西陵下雲從上峽來壯
遊今已遂幽思獨難裁關塞猶戎馬吟邊首重回

楊訓文

贈友

與子分攜後星霜二十年重逢驚老大惜別更留連花

落春江雨鵲啼綠樹煙幽懷浩難寫愁隨酒尊前

魏觀

次韻陳廉使見寄

三月霏霏雨曾無兩日晴旅懷常寂寞佳節負清明野
樹暮雲合山溪春水平彭郎有音信處處避回兵

寧國溪上四首

轆轤山環水沿洄水繞山鳥啼山翠裏人語水聲間茅
屋連溪塢松舟繫淺灣村翁驅犢處溪女得魚還

青山如舊識迢遞送行舟故里一丘樂歸心千疊愁樹
腰紅日轉沙尾白雲流李郭多仙氣飄飄想並遊

石髮連芳草溪花映碧苔肅霜千里思明月一舟開鼎
沸茶初煮爐香栗自煨忽添詩興好細雨白鷗迴
野老歌仍和篙師去復留水花凝鶴渚山翠落漁舟竹
徑歸黃犢柴門度白鷗二劉多好況杯酒共綢繆

闕縣尹

襄人齊拍手官政喜清和竹樹煙光合花封春意多山

中無吏跡江上有漁歌
偃室如招士
龐公試一過

遂安舟中

溪徑斜斜入柴門
側側開一牛
臨水立雙鴨
避舟迴病眼
青山豁歸心
白髮催何因
菰浦上野老
共傳杯

夜宿新河口

舟人勞暫息
艤棹近柴扉
月過漁舟迴
星流鶴渚微
愁心千緒集
歸計十年違
只有貧如故
秋深尚葛衣

都昌懷舊隱二首

西齋風月好庭草到堦前春服趨童冠秋聲雜誦絃題
詩黃葉上拄笏白雲邊俛仰成今古離愁為黯然
江霧仍為雨山花故作容秋風餘鼠雀寒水落魚龍懷
慨心雖壯羈棲力已慵白雲莼浦上悵望最高峰

夜宿江夏水驛將往衡湘留贈親友

茆屋江聲合松舟月色遲把杯頻改席剪燭共題詩攬
瑟清湘夜聞簫赤壁時美人千里外迢遞寄相思

熊鼎

夜雨中作

野處迴無鄰誰憐放逐臣
關河萬里夢天地百年身
衣涇邊城雨羶寒塞草春
何時老鄉國白髮照麒麟

劉崧

張氏溪亭雜興

草閣經秋淨柴扉近水開
霜林收橘柚風磴坐莓苔
釣艇寒初放樵歌晚獨回
城南車馬地欲往更徘徊

王華山

翠巘千峰合丹崖一徑通樓臺上雲氣草木動天風野
曠行人外江平落鴈中傷心俯城郭煙雨正冥濛

舟夜次查口東蕭鵬舉

扁舟沿綠嶼雙櫓折蒼波秋氣水邊早月明江上多魚
龍今夜冷鴻鴈幾時過去住關幽興歎眠聽棹歌

寄周伯寧

江雨何時歇淮雲盡日飛誰知千里別還作故園歸露
草侵棊局風花上釣磯徒令南浦上山水憶清輝

出社下嶺望九洲流陂稻田可愛

渡嶺望平田人家隱翠煙村墟自雞犬風物似神仙晚
樹依沙立秋粳帶水眠幾時驅兩犢投迹此安塵

題山水畫軸

瀑布雙垂下屏風九疊張波光混彭蠡山勢似潯陽松
塢棲茅屋楓林帶石梁扁舟如可具吾意在滄浪

張氏溪亭雜興

寒霧依山斂晴沙與岸顏林塘無路入窗戶有時開野

客鈔書去鄰翁送酒來幽期在蘿薜莫遣暮鐘催

題陽靈洞

仙宇何年闢靈泉盡日聞石門通別殿木棧倚高雲鸞
鳳時來下獼猴近作羣春風城郭暮煙霧正紛紛

題彭氏背郭茅堂圖

日薄金華嶺雲深白石塘茅茨元背郭水竹自成鄉圖
畫看逾好登臨興不忘門前雙杏樹葉葉是秋霜

劉承直

題孫子讓山水

斜日在松杉千崖暝色酣山藏五柳宅路轉百花潭亂
石明蒼玉遙峰露碧簪終希陪妙躅來此脫征驂

題鮑典籤芳塢隱居圖

幽勝似仙家綠雲石磴斜陰崖留積雪晴樹亂明霞寺
遠時聞磬溪深未沒槎抱琴來谷口多是識桃花

孫作

憶昔

留滯長羈旅今年辭渡江朝霞晴俯檻細雨晚臨窗短
髮梳千下潛魚見一雙驚魂猶未復夢枕海濤撞

客中秋夜

故園應露白涼夜又秋分月皎空山靜天清一鴈聞感
時愁獨在排悶酒初醺豆子南山熟何年得自耘

送人往宣城

送客宣城郡吟詩憶土風雪膚銀店白火癭木瓜紅楚
殿荒山裏澄江出樹中君親三載仕我友一尊同

石菖蒲

曉露飛初濕春苗翦又生
靜憐千葉瘦幽喜一峰橫
鬱鬱明人眼青青異物情
安期如可待吾亦埽黃精

唐肅

宿真慶菴得心字

落日古城陰蕭蕭竹樹深
雨花知佛境流水識禪心
月到翻經榻苔緣挂壁琴
不因支許舊那得遂幽尋

中秋和龍子高

白白初懸月青青不盡天
乍經銀漢外又滿碧窗前
鍾阜思歸夜淮城坐謫年
曾揮兩行淚愁對一輪圓

劉松年山居圖

曾逐大茅君峰頭卧古雲
鳥青呼作使鶴白養成羣
客較丹砂法童窺玉券
文近來煙火斷花氣作鑪熏

藍仁

齒落

池草夢難成風蟬斷又鳴
衰年唯有睡浮世自多驚
暎

日攜書近分泉滴硯清如何牙齒落更欲校詩名

寄李孟和

同學朝冠士投簪幾日歸里中朱紱少世上白頭稀隴
叅登新酒池荷足故衣夕陽天際鳥還向北林飛

寄余復嬰

道士清溪住扁舟久未回井垂霜後橘門掩雨前苔鳬
鳥長相候魚書杳不來虹橋他日宴又負紫霞杯

春日

陋巷斷人行柴門不用扃衰年柏酒綠春日菜盤青強
飲鄰翁對長歌稚子聽午窗閑試墨只寫相牛經

石村除夕

衰病身為累窮愁歲又除枕戈鄰境靜卜宅遠村居海
舶追編戶山田責簿書應門兒不暇休問過庭疎

東伯穎

聞說重陽日王弘厚客情風流同酒興博雅盡詩名罵
坐誰先起揮毫或後成黃花莫相笑謬誤豈平生

晚浦歸帆

估客前年去扁舟此日迴煙生全浦暝風健片帆催桂
楫看將近柴門認半開鄰人攜酒饌歡笑慰歸來

藍智

秋日遊石堂奉呈盧僉憲

荒郊通徑僻野竹閉門深白日羲皇世青山綺皓心潛
蛟多在壑宿鳥獨歸林知爾荷鋤倦時為梁甫吟

秋夕懷張山人

鼓角邊聲壯林塘夜色幽涼風動疎竹明月在高樓久
客形容老孤城戰伐愁不眠懷魏闕長嘯拂吳鉤

雨中同孟原僉憲登嘉魚亭

高閣流鶯外荒城駐馬前江寒三月雨春老百蠻天折
柳悲橫笛飛花落釣船乾坤總羈旅把酒意茫然

夜宿釣臺

水宿傍巖灘風燈語夜闌鼉鳴潮信早龍過雨聲寒病
喜江山好貧嗟道路難何當脫塵鞅來此抱漁竿

徐雪舟為畫藍澗草堂圖

碧草連書屋蒼山對畫圖
鶴巢秋樹小漁艇夕陽孤
野色晴初遠溪雲淡欲無
浮槎倚盤石把釣任潛夫

經石堂追懷盧使君

舊隱仙人館曾陪使者車
那知滄海別不返白雲居
山雨荒樵徑窗塵汙道書
傷心庭外竹清影漫扶疎

兵後歸西山

亂後歸茅屋晨興步石田
客愁空日日春酒自年年
風

雨啼鶯外江湖去鳥前艱難思故舊回首意茫然

藍澗草堂

橘井雲山北茅齋澗水西聽猿秋樹近捫蝨夕陽低樵
子知愚谷田翁伴醉泥興來時得句自向竹間題

聞藍山兄寓滁州

番水初傳信滁山想定居秋吟兼蟋蟀晚飯得鱸魚落
月滄江闊涼風白髮疎兵戈關塞隔不敢問何如

登鳳林寺鐘樓作

樓憑青嶂迴人到上方稀古寺愁春雨疎鐘送落暉雲
林孤跡遠法界一塵微坐久松風動飛花落客衣

山中漫題

讀書期有用閉戶恥無能落葉空山雨疎鐘獨夜燈人
稱樗里子住近石門僧靜坐觀詩妙須叅最上乘

順昌道中

蓐食鳴雞曉空山啼鳥春遠鐘何處寺殘月獨行人書
劍嗟黃髮江湖起戰塵南遊未得意北望正傷神

寄雲松先生隱居

風雨論交舊林塘卜築新幽棲兼令弟高卧愧時人竹
日明書帙浮雲惹釣緇林居無俗客麋鹿自相親

懷川晚立

清川繞縣衙小立共汀沙暝色催歸鳥春愁對落花江
湖頻戀闕風雨更思家出處成何事惟添兩髩華

采石舟中寄子正僉憲

共醉黃壚酒還登采石舟澄江晴吐月獨樹曉生秋去

國一身遠懷鄉半夜愁明朝陪使節一上岳陽樓

恭城縣

十室黃茆邑千峰紅葉村喧卑蠻俗異質朴古風存雞
犬連猺洞牛羊到縣門殘年厯荒徼遙布聖明恩

晚立懷友

野立行人絕林空墜葉間客愁當落日詩思入寒雲草
暗防蛇毒山昏過虎羣梅花萬里道歲晚正思君

過雲洞嶺

路出千林迴山連五嶺遙石崖懸度棧野樹卧通橋澗
飲猶防蠱畚耕盡屬犂夕陽驅瘦馬髣髴影漫瀟瀟

溪橋晚立

天闊浮雲盡山昏落日微鳥棲當野樹人語共柴扉歲
月且云暮鄉關何處歸鄰家響機杼遠客歎無衣

夜雨

多病西風客空堂獨夜愁燈殘江上雨木落嶺南秋黃
卷知何用丹砂不易求君恩無補報悵望惜淹留

雨中

黯黯雲垂野
瀟瀟雨滿林
晚山歸鳥盡
秋草閉門深
落葉蕭條樹
空城斷續砧
煩憂兼獨立
誰識此時心

曉發江上

官船催曉發
浦鳥聞驚飛
殘月低清渚
疎鐘隔翠微
晨光初辨樹
秋色已生衣
萬里慙張翰
鱸魚未得歸

柳城縣

青山入縣庭
小邑但荒城
竹覆茅茨冷
江涵石壁清
草

蟲當戶墜水鳥上階行問俗知無事松風一舸輕

出雲藤驛

又出雲藤峽扁舟更向東地蒸秋有瘴江闊夜多風旅
夢驚啼狹鄉心託斷鴻天涯看月色不與故園同

宿陽朔山寺

曉景孤村僻松門試一登秋山黃葉雨古寺白頭僧壞
壁穿新竹空牀覆舊藤宦情與禪意寂寞共寒燈

來賓縣曉發

宦遊同逆旅，侵曉逐征塗。
空館殘燈小，長江落月孤。
鄰雞催去馬，城柝起栖烏。
物色兼人事，怱怱歲月徂。

江上別故人

天涯芳草色，對酒惜餘春。
此日滄江別，東風白髮新。
落花晴傍馬，殘鳥冷窺人。
勉矣持風紀，驅車莫厭頻。

許伯旅

懷式古生

巖色幽棲地，泉溪十里村。
夕陽山在屋，秋水月當門。
委

巷無車轍貧家有瓦盆百年塵外意寥闊共誰論

九月晦日感懷

長嘯拂吳鉤南圖惜壯遊乾坤同逆旅風雨忽窮秋牢
落莊周劍飄飄范蠡舟行藏吾敢必天意信悠悠

王佑

松滋縣

最愛松滋縣清妍似故鄉碧湖浮片月紅樹著新霜見
客征魚稅思兄感鴈行峽州知不遠雲際疊青蒼

秦約

柳塘春

弱柳金塘上春濃岸岸連樹深停野騎花送渡江船燕
蹴初晴雨鳥棲欲暝煙沿洄正延竚落日棹歌還

韓守益

過九江

夷險休渝節勤勞莫問家暮船維柳樹春水泛桃花廬
阜依霄漢江舟對渚沙多情白司馬曾此賦琵琶

陶誼

送人從役

沅湘南去遠古戍楚雲邊
山雨蟲蛇出江天
蟬螻懸相思知後夜重會更何年
喜得風濤靜官船任晝眠

張適

樂園林館六首

園池雖市邑幽僻絕塵緣
水活元通港荷稀不礙船
竹陰迷竈藥雨氣慢琴絃
試檢牀頭藁新來益幾篇

結屋渾依水為扉半是柴
雨紅花落檻地碧蘚鋪堦去

住梁間燕公私水際蛙
清遊多感慨濁酒始開懷

方池居園右幽隱足遊觀
疊石花成岼塗丹曲作闌鸞

遊同腕法鶴舞按琴彈
清事無時廢歌成擬考槃

林密簾櫳暝門清樹石連合
香乘雨露壓酒及花前嗜

古思先輩傷今話昔年
何由清鬱抱春茗淪林泉

境勝愜棲遲殘尊晚更宜
主人因苦詠座客盡能詩令

負杯來密聯遲句出奇
夕陽在高樹醉首祗低垂

登高無俗物結納豈恆徒小幘藏雲樹昏屏過雨湖書
銘臨瘞鶴絃調寄啼鳥苟樂無他志塵囂覺異塗

除夕

歲事今宵盡悠悠動所思忽驚為客處失記離家時藥
裹扶衰弱詩囊寓別離阿咸能慰意椒頌酒盈卮

西溪步歸

溪南山曲摺舍北水西東樵唱千村雨漁歌五兩風犬
憎移竹叟鶴避埽花童彷彿吾家近茅堂碧樹中

村居雜賦四首

野路經行處危橋入徑迂
牛身棲燕子鳶爪帶雞雛
水洄鮮鱗少村荒好樹無
斜暉山斂夕渡口立斯須

鴛鳥巢何僻莎雞語更悲
藏舟懸水屋闌路隔疏籬
客至兒童喜家貧犬鼠飢
謀生嗟計拙飄泊度明時

茅屋坐來晚蒸藜一飯餘
僧歸雲起後農罷月生初
單處唯憂病窮居賴剩書
田家忻雨足吾意始安居

茅屋路西東窮山石徑通
鐘聲斜照外人影落花中水

舍看曾吏柴扉飯犢童時時來接語一笑亦相同

憶山中舊遊贈坦師

中峰舊名刹每到竟忘還泉瀉巖千折雲封屋半間松
枯知寺古田少覺僧閑師去因懷古詩成未解顏

范準

別張訓導

近識張夫子情深似故知何須雞黍約已有鹿門期此
別五千里且論三百詩舟行在明發雲樹渺相思

彭正德

西州即事

一雨洗空碧江城獨倚樓山銜殘照沒水挾斷雲流燈
影深村夜鐘聲古寺秋西州舊遊地薄宦此淹留

馬治

望頤山

斜日水南行蒼然雲景清遠山時在望仙洞故知名楓
葉凝秋色藤花落晚晴西陽亭不見惆悵翳榛荆

元日試墨二首

竹雪寒聲瀉山禽好語來
空餘臘月酒擬訪石亭梅
野水宜舟楫春雲費剪裁
從前江海上今日意悠哉

白髮形歸夢青燈照隔年
遠惟諸弟憶貧幸老人憐
四海孤飛鶴東湖一頃田
誰能論心迹出處事皆天

盧熊

舟泛吳淞江

早發木蘭橈江行趁落潮
雨分牛脊近雲隔馬鞍遙
弟

妹成疎闊交朋竟寂寥謾持昌歆酒那得客愁消

聶同文

退朝口號二首

清切絲綸閣逶迤錦繡城冠裳清旦入珂珮玉堦行芍
藥春風軟薔薇曉露盈退朝揮翰處同聽上林鶯
鐘鼓逼殘宵千官趁早朝雲開中侍扇日映上公貂調
燮多臣稷欽明有帝堯萬方咸貢獻四海足歡謠

留炳

郊居雜興二首

桃李謾成蹊茅堂習隱棲
泉聲溪碓急山色野牆低
相領原非燕園腰底用犀
不嫌生理拙抱甕灌吾畦
風雨行人少柴門午尚扃
土花沿砌碧山果墜枝青
病眼耽書癖衰顏託酒醒
經邦方用武寂寞抱遺經

題朱澗槃卷

遙峰連碧磴茅屋俯青林
徑晚花黏屐松寒雨潤琴
酒甘和菊釀詩苦帶茶吟
却憶文園老歸來雪滿簪

夜直呈翰林諸友

中使傳金鑰嚴兵戒紫扉
月高旂影直風急漏聲微
鵲倦驚龍燭螢閒綴鳳幃
不眠瞻北斗拜舞敢遲違

郭奎

次劉仲孚韻

地遠孤雲白秋深一鴈過
淚因明月下心在故鄉多
列郡方傳檄連營未息戈
羈危萬里思江上逐馳波

送孫良玉還同安

送君江上去山路雨初晴落日平淮樹春潮帶皖城酒
因今日醉人是故鄉情莫說王孫怨芳洲綠草生

客枕

客枕睡不著天高秋氣清寒燈照四壁孤淚滴三更霜
落芙蓉悴江空鴻鴈鳴無衣復無褐忽忽歲徂征

蘄州營作

樹暗啼鶯困春餘一日殘愁隨花片減夢逐雨聲寒毀
譽惟耽酒辛勤亦枕鞍令人慙陸抗四十未封官

出昌山峽遇雨

山雨凍欲雪誰憐被褐徒手持和氏璧袖有太公符勲
業歸明主衰遲笑腐儒年年此時候行役在長塗

歲暮

寒月出在戶江城鴈獨飛愁人不能寐鄉淚忽沾衣丘
隴十年別星霜兩鬢稀為言叢桂老歲暮愴忘歸

五嶺

侵晨登五嶺石磴畏躋攀急雪沾衣白因風點鬢斑雲

連秦劔閣天塞漢蕭關想見當時路班超奉使還

陳汝言

題春山圖

春雨正霏霏春林笋蕨肥魚驚花下艇犬吠柳間扉溪
水濃如酒山雲白似衣悠然玩清景慮淡已忘機

荆溪舟中次子素潘先生韻

二月過荆溪扁舟思欲迷家家芳草綠樹樹早鶯啼水
接遙天闊雲橫遠岫齊張公洞前石記得昔年題

秋夜

蟲鳴秋夜永木落衆山秋客館一窗月故鄉千里愁不
才深自省何術為身謀慈母遥相憶應添雪滿頭

秋興二首

暝色上高樓砧聲處處秋月從今夜滿人在異鄉愁烏
鵲棲難定星河影欲流鄰家莫吹笛歸思不能休
渺渺空江上孤城起暮煙艱難逢此日烽火又經年興
逐秋風起愁隨夜月懸故鄉千里隔回首正淒然

奉同潘友石左丞雪溪汎舟得人字韻

溪水綠生鱗
溪山雨後新
草藏眠渚
鳥花隱浣沙人意
適忘舟遠情
歡藉酒頻
碧雲暮將合
回首隔風塵

送周仲瞻架閣使高麗

萬里三韓國
南風幾日程
海平蛟室淨
天近使星明
玉帛通新好
梯航續舊盟
歸時應不遠
還與鴈南征

鄭定

渭上觀獵

草折渭門霜蕭蕭獵氣黃飛弓秋萬里縱馬日千場雕
霧藏沙迴鷹風入樹長將軍驕意氣射殺白河狼

李暕

雨過許叔大

山雨霑衣溼江雲度水寒也應如杜甫曾此過蘇端綠
蟻春漿甕青絲野菜盤平居謝拘束與子聲相驩

虞堪

十月十七夜舟中作

江漢月輝輝孤舟一夜歸
白沙漁聚火清露客霑衣
櫓約寒潮響鷗聯宿鴈飛
人間成底夢吾獨轉忘機

夜雨水竹居聽彈箏

繁溜響簷牙深堂靜不譁
坐來聽夜雨歌起酌春霞
燭小銀花墜箏低玉柱斜
俄聞關塞曲飄忽思如麻

南城祚真精舍寓宿呈熙哲二公

塵世竟忘情還來訪惠明
一燈懸夜榻萬竹起秋聲
虎嘯風連屋鳥啼月滿城
坐忘渾不寐相對話無生

王澤

寄泐季潭

寶樹香雲合龍池綠水新涼多今夏雨僧少去年人一
騎留京國雙鴻入塞塵西天幾萬里沙草闊無垠

李延興

早過五門二首

曙色動高城鐘殘樞馬鳴千門春放暖十日雪開晴
業非吾事詩書寄此生青衫王粲老猶欲俟河清

霜白掖樓曉寒鴉城上啼微雲閭闔外斜月建章西憂
國心常切成功計轉迷十年京闕下貧病尚羈棲

望海虞山得蹤字

青山秋萬疊詩寫晚愁濃瀑斷峰頭路雲藏谷口松藥
爐丹氣上經藏碧苔封誰似仙翁靜階前埽鶴蹤

和睦公九日韻

秋聲橫笛外曉色畫屏中黃菊雙頭小青山四面同船
衝官渡雨木落市橋風十日燕臺路塗窮興不窮

窗燈

窗燈搖影細城柝報更遙
白髮愁偏重丹心老未銷
雲陰籠月薄秋氣挾霜驕
歸思如江水滔滔逐逝潮

讀賈誼王粲傳

白髮悲王粲青春羨賈生
萬言詞慷慨一賦氣崢嶸
弔屈心猶壯依劉恨未平
懷賢坐長夜斜月半窗明

夕次同川

鴉噪晚涼天新晴景豁然
柳橋通水市荷港入湖田
鷺

影沙頭月人煙渡口船相過又相別書到是明年

贈境上人

山館夜蕭蕭天寒酒力消鴈行衝雪斷燈影隔江遙渡
口人爭岸船頭客待潮倦塗誰慰藉風景不相饒

胡翰

送呂君采元史北平

又見陳農去遙臨析木墟山川遊幸後文獻亂離餘備
極傳聞異歸從直筆書百年殷監在盡獻玉階除

貝瓊

寓翠巖菴二首

蓮社僧相引柴門客屢回
日高人語靜風遠佛香來
碧愛琅玕繞紅看躑躅開
便應從此老城郭有塵埃
蠨蛸當戶罨科斗滿池生
可惜春光去何時晚計成
病多添越思愁減發秦聲
此意無人會芳尊且獨傾

過王景脩

不識滄洲路還經白石磯
林深煙似織江黑雨初飛
野

店多先閉漁舟獨未歸幽人宅已近薄暮扣柴扉

甲辰元旦

五十今朝過談經滯海濱天陰不見日地冷未知春
染翰題新語開襟待故人宮花徧朝士那上小烏巾

夜泊

四更風露靜欹枕獨無眠野闊天斜倚江清月倒懸
誰家橫塞笛有客盪歸船可惜雲深處淒涼不及前

澄林客居一首寄戴良佐沈復東

借屋暫移家當門亦艤槎地蒸雲觸石江漲雨崩沙盧
橘初垂顆冬青未落花老夫無一事日日醉流霞

排悶

白首尚為客飄飄天一涯耳鳴通夜雨眼暗隔年花畏
酒從今斷題詩浪自誇有村如栗里准擬更移家

壬子冬至日過來青堂三首示勉中祖南二友
浪跡依劉表忘形見陸生山中釀酒熟雪後具舟迎好
學來諸子論詩過二更窮愁一披寫杯酒更須傾

衣冠且從俗猶有晉風流我愛陶貞白人稱馬少游蜂
房寒未割雞柵暖宜修不必論三仕何如號四休

擾擾知何事人間即夢間試從千佛轉能見幾人間水
落元通月雲行不礙山長歌和樵者日暮抱薪還

題馬文壁畫

小橋危跨壑破屋幸依山避地人相過朝天客未還麝
眠春草外猿挂古松間寂寞南窗日殘書亦久閒

夜泊武塘

風帆如健馬一日過嘉興水鳥如相喚秋蚊尚可憎照
人明月近接地白河澄耿耿渾無寐中宵對玉繩

橫港

南行入橫港茅屋到林丘落日猶斜照寒潮忽倒流牛
羊平野散鷺鴨小溪浮喜見平生友籬邊一繫舟

送胡鼎文同知赴安州

別駕安州去青天蜀道危近辭丹鳳闕遠過碧雞祠暮
雨歸神女春風怨子規宦遊多好思重和杜陵詩

張宣

桐廬舟行

自在眠沙鳥參差上瀨船
亂峰寒笛外疎雨暮鐘前
灘轉疑無路林深別有天
羊裘懷隱者高節已千年

吳江夜泊

風壤三州接江湖一水過
虹消滄海雨日落洞庭波
羌笛梅花引吳舡子夜歌
從軍古云樂吾意竟如何

錫山道中

風起晚淒淒愁雲隋漸低近人山鬼泣當路竹雞啼百
里無煙火孤城只鼓鼙故園楓樹外歸夢繞梁谿

謝恭

過張水部樂園林館和高季迪韻

故人非傲吏舊隱勝愚溪塵世人難到空林鳥自啼青
山懸榻下綠樹斷厓西終日無餘事長吟信杖藜

邵亨貞

寒食次雲翁韻

春信催玄鳥客愁聞杜鵑一村寒食雨三月杏花天物
色知誰賞風光亦可憐西湖長入夢人在采香船

還家舟中口號

人語荒村晚船行逆水風平蕪鷗外綠落日鴈邊紅奔
走生涯拙歡娛往事空故園看漸近喬木有無中

橫泖雜言

廣廈人來少青山遠對門緩潮通曲港高樹接遙村井
記袁崧宅鄉連宰我墩行吟聊適興心迹未須論

錢宰

瓜洲夜泊

旅夜瓜洲泊秋懷浩欲沈
星河與海合江漢入吳深
天塹無南北川流自古今
隔花漁唱起千里故園心

秋望

一鴈下荒潯鄰秋急暮砧
簷風吹病骨江月照歸心
把酒招征棹看花笑脫簪
有懷吟未得黃葉隨疎林

許繼


賦蜘蛛落葉

秋氣感木葉故林飄墜時不成棲蔓草還復綴蛛絲屢
舞涼風得高懸落照宜多情似留戀爭奈已辭枝

自遣

獨坐還長眺高歌祗自聽雨中苗盡綠煙外樹重青病
久憐形瘦愁多畏酒醒芙蓉將爛漫采采憶江汀

御選明詩卷五十一



總校官庶吉士臣侍朝

校對官檢討臣蕭九成

謄錄監生臣周元